



**Quæstionum Canonicarum, In Quinque Libros
Decretalium, Tomus ...**

In Librum I. Decretrialium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus I. De lege irritante.

[urn:nbn:de:hbz:466:1-73031](#)

riore factam *absque cause cognitione*; sic Navarrus in c. fin. b. t. n. 4. Azor p. 1. l. 5. c. 15. q. 9. Quia dispensatio sine causæ cognitione est dispensatio sine causa; causa enim non movet nisi cognita; sed dispensatio in lege Superioris ab inferiore facta sine causa non valet ex n. 1127. Quia Superior committens alteri suam jurisdictionem vult, ut procedat servato juris ordine; ordo autem juris petit, ut præcedat causæ cognitio, c. *Necessa*, c. *dispensationis* 1. q. 7. & Trid. de reform. *eff. 14. c. 7.* & *eff. 25. c. 18.* probabilius autem est, sufficere cognitionem causæ etiam extrajudicialeum. 1. quando ea notoria est, & manifesta, per c. *manifesta*, 2. q. 1. c. *Si quis sine dist. 81. c. fin. dist. 51.* ita Sanchez l. 8. matr. D. 4. n. 22. Deinde licet notoria non sit, modò aliunde nota; nam causæ cognitionis requiritur, ne temerè agat solvendò subditum à lege Superioris; hoc autem sufficienter cavetur, esto cognitio causæ non fiat judicialiter.

1140. Not. 9. quamvis aliás, etiam de jure communi, solo verbo Papæ, gratia perficiatur per c. *Inquisitionis*, 25. q. 1. Clem. dudum, §. ult. de sepultur. dispensationem tamen factam, literis Apostolicis super ea non expeditis, non valere, juxta Corradum cit. l. 1. c. 6. n. 1. probantem id ex regula Cancellariae, ibi: *nulla talis dispensatio cuiquam in judicio, vel extra suffragetur, antequam super ea litera Apostolica sint confessæ.* Sed hoc intellige, non, quod eo ipso gratia perdatur, sed solum quoad effectum suspendatur, seu retardetur, donec literæ confessæ sint.

1141. Deinde verba illius regulæ: *non suffragetur in judicio, vel extra*, salvantur sufficienter in eo, quod non profint *in foro externo*, ubi gratiae concessio probanda est, & ly *confessæ*, minus videtur requirere, quam *expeditæ*. Si enim conscriptæ, ac signatae sint, rectè dici *confessæ* possunt; quod maximè procedit, si supplicationi adscribitur clausula, quod sola præsentis supplicationis signatura sufficiat, & ubique, in judicio, & extra fidem faciat, regula in contrarium non obstante.

1142. Not. 10. in dispensationibus, quæ sunt in commissione, seu in forma commissoria, plures apponi, vel etiam tacite inesse clausulas; de his autem egimus *suprà*, copiosius autem in l. 4. *decretal. q. ult. præ-*

fertim quoad eas, quæ apponuntur in dispensationibus matrimonialibus, sive reformatum immediatè emanet ab ipsa Sede Pontificia; sive à Sacro Pœnitentiarior, de quibus V. loco cit.

P A R S II.

De quibusdam legibus in particuliari.

Postquam exposuimus ea, quæ generaliter respiciunt materiam legis tum quoad vim obligandi, tum quoad reliqua, promulgationem, acceptationem, extensionem, ab- vel derogationem, & interpretationem, dispensationem, cessationem, aliaque similia; de nonnullis in particulari agendum venit, præsertim propter frequentiorem eorum usum, cuiusmodi est lex irritans, lex revocans, lex poenalis, &c.

ARTICULUS I.

De lege irritante.

Supponendum, quod irritare legem subinde idem sit, ac irritum declarare; subinde vero idem, ac irritum facere, vel reseindendō actum, qui validus erat; vel impediendō, ne actus validus sit, v. g. præscribendō novam formam, secundum quam, nisi actus fiat, invalide fit. Ex quo vides, legem irritantem esse illam, quæ aliquem actum irritum, vel irritandum reddit; si enim priori modo, per se ipsam irritat; si posteriori modo, irritat dependenter à sententia Judicis. Irritans per se ipsam, seu antecedenter est triplex: alia purè *moralis*, & *directiva*, quæ irritat actum præcisè propter bonum commune, qualis est irritans matrimonium Religiorum, vel inter consanguineos: alia *penalis*, quæ irritat in poenam, qualis est irritans electionem in poenam præsumptionis, c. *Si Religiosus, de elect. in 6. alia favorabilis*, quæ irritat in favorem, qualis irritans professionem minoris sexdecim annorum.

Supponendum 2. quod Legislator humanus habeat potestatem, exigente bono communi, annullandi subditorum actus, nimirum sic, ut perinde se habeant, ac si facti

facti non essent. Hæc enim potestas Re-publicæ tam Ecclesiasticæ, quām seculari æquè necessaria est, ac potestas obligandi. Et ratio est, quia sic irritare nihil aliud est, quām statuere certam conditionem, qua servata actus valeat; qua non servata nullus sit; & cùm hoc possit in suis actibus quilibet privatus, non est, unde id negetur propter commune bonum Legislatori.

1146. Supponendum 3. quòd lex dupliciter contractum aliquem irritare possit, nimirum *ipso jure*, cùm illum reddit nullum, ut non indigeat Judicis irritatione; seu ut diximus *n. 1144.* cùm eum irritat *per se ipsam*; vel *exspectat à sententiâ Judicis*. Fit autem irritatio vel *explicite*, cùm verbis exprimitur, ut si lex prohibeat actum, & simul addat, quòd, si fiat, nullus sit; vel *implicitè*, cùm lex prohibet actum, & per verba æquivalentia illum annullat, quod fit præscribendô certam formam in tali contractu, vel dispositione servandam, tanquam conditionem, sine qua non.

1147. Supponendum 4. *importare formam*, idem esse, ac importare conditionem, vel substantiale, vel accidentale; hinc quando dicitur, *contractum esse irritum non servata formâ*, intelligi debet de substanciali, non accidentalí; illa est, qua deficiente deficit actus; ista, qua non deficit actus, etiam non servatâ formâ. Sic, quando à Tridentino præscribitur, ut ante matrimonium denuntiantur sponsi, & matrimonia celebrentur in *præsentia Parochi*, & testium, secùs non valitura; *præsentia Parochi*, & *testium* est forma substancialis; *denuntiationes* accidentalis. Totum autem in eo positum est, ut detur regula cognoscendi, quæ forma sit substancialis, quæ accidentalis? communiter traduntur sequentes.

1148. Prima est, quòd, quando lex ipsa dicit, id, quod præscribit, servandum esse *tanquam formam*, denotetur, esse substantiale. Nam hic terminus *forma* simpliciter prolatus supponit pro principali significato; hoc autem est forma *substancialis*; ergo. 2. quando lex ipsa exprimit, actum secus factum, esse irritum. 3. quando lex loquitur conditionaliter, requirendô nimirum id, quod præscribit celebrando auctui, vel alicui dispositioni, exigendô tanquam conditionem implendam. 4. quan-

do lex concedit aliquam facultatem ad aliquem actum, præscribendô simul modum, quo usurpari debeat; quia tunc censetur commissa potestas limitate, nimirum, si modus præscriptus observetur. Plura de his Farinacius *p. 2. fragm. ubi de lege, à n. 203.* Sanchez *l. 5. decal. c. 4. n. 26.* Suarez *l. 5. de legibus c. 31. & seq.*

Præter hæc not. 1. probabilius esse, *quòd, generaliter loquendô*, quando statutum mandat aliquid fieri *certo loco, & tempore*, actus contra factus non sit irritus, & nullus, nisi ulteriori procedat explicite, vel implicitè annullandô actum taliter factum. Nam in tali casu circumstantia temporis, aut loci non intelligitur apposita, ut forma substantialis, ita Suarez *cit. c. 25. n. 10. & c. 28. à n. 17.*

Not. 2. Si habenti aliunde potestatem faciendi aliquem actum, vel dispositionem, præscribitur aliqua forma, seu ratio, aut modus illum faciendi, non censeri hanc formam exigi ut substantiale, nisi aliter à lege expressè irritetur. Ratio est; quia cùm aliunde actus ponatur sub ejus potestate priùs habita, ejusmodi præscriptio censeri nequit restricta quoad substantiam, nisi expressè de tali restrictione constet; ad quod non sufficit præcisè mandatum, ut talis forma servetur.

Not. 3. Similiter non censeri formam *præscriptam esse substantiale*, quando illa de jure communi accidentaliter solum inest ejusmodi actui. Sic, si procuratori constituto ad contrahendum nomine tuo matrimonium simul mandes, ut contrahat *præmissis denuntiationibus*, matrimonium ex mandato tuo contractum valebit, licet omiserit denuntiationes. Nam hæc forma tali contractui solum accidentaliter inest jure communi, ut diximus *l. 4. cum communi*; his *præmissis*:

§. I.

Quando lex irritans censetur pænalis?

Resp. quòd, quando irritatio actus imponitur in odium alicujus delicti. Talem esse irritationem matrimonij ob uxoricidium, vel adulterium cum promissione futuri matrimonij, expressè docet Castropalaus *P. 1. tr. 3. D. 2. p. 7. n. 4. probans*

bans ex toto titulo de eo , qui duxit &c. Idem tenet de irritatione electionis ad beneficium ob commissam simoniam ; imò generaliter , inquit , quoties lex irritationem assignat in odium delicti , & ob solam legis prohibitionem , lex pœnalis est , citans pro se Patrem Sanchez l. 3. de matr. D. 4. n. 9. Suarez l. 5. c. 9. n. 7. Si autem irritationem fiat non ob delictum , sed ob commune bonum Religionis , Reipublicæ , vel aliquorum privatorum , non debet censeri pœnalis , sed potius forma astus . Quia tamen sèpè in lege irritante aliquem actum in odium delicti , plures fines interveniunt , ob quos irritatio talis fieri potest (ut cum irritatur matrimonium inter complices ob impedimentum criminis , quæ irritatio ob plures fines fieri potest , nimur ut puniatur delictum , ut alij absterrantur à tali delicto , ut conjugibus sit vitæ securitas , &c.) & inde non raro lis nascitur , quem finem lex irritans directè respiciat (nam ab hoc sortitur suam denominationem) consequenter , an talis dispositio regulanda sit juxta naturam legis pœnalis , an merè irritantis ? ideo communiter in diversas , & contrarias opiniones abeunt Doctores , ut constabit ex di- cendis in seqq.

1153. Cæterum communis tenet irritationem non esse pœnalem , si non est ob commissum delictum . Ex hoc sequitur 1. irritationem matrimonij contracti sine presentia Parochi , & testium , non esse pœnalem ; quia non supponit commissum delictum , sed antecedenter ad contractum simpliciter clandestinum , nullo contrahentium delicto presupposito , contrahentes reddit simpliciter inhabiles ad clandestinè contrahendum . Sequitur 2. legem , quæ actum aliquem irritat directè propter bonum commune , Religionis , vel Reipublicæ , aut etiam in favorem , quin hoc ordinet in finem puniendi delictum commissum , non esse irritationem pœnalem . Nam sic ejusmodi irritatio non est ex suppositione delicti , sed antecedenter ad illam , ut notavimus n. 1152. Talis irritationis est testamenti parentis testibus requisitis , alienationis rerum Ecclesiae sine solennitate præscripta in Clement. I. de rebus Ecclesiæ non alienand. professionis ante completum decimum sextum ætatis annum , &c. Dixi : si directè intendat bonum

commune , vel Religionis , vel Reipublicæ , quin id fiat in odium delicti commissi . Nam omnis lex sive pœnalis , sive non pœnalis , directè fieri debet in commune bonum Reipublicæ , pro qua conditur ; ex hoc tamen non sequitur , eam non esse pœnalem , si hoc fiat in odium delicti commissi ; alias enim nulla lex foret pœnalis , quod est contra communem ; intellegendum proinde venit de bono communni speciali , non generali .

Dices : lex , quæ gravamen imponit , odiosa est ; ergo etiam irritation , seu lex irritans , cum & illa ferè semper gravet eos , quorum actus & dispositiones irritat . R. qualitatem legis desumi à fine legis per se ac directè quæsito ; cum ergo leges irritantes possint imponere gravamen , quin per se , ac directè intendant gravare , sed procurare , vel conservare commune bonum , aut alteri favorem , seu commodum præstare , licet videantur imponere gravamen aliquod (qualiter sit , cum irritantur contractus pupillorum initi sine Tutoris autoritate , si illis præjudiciosi sint) in re tamen non odiosæ sunt . Jam verò cum tota difficultas sit in eo , ut decernatur , quando lex principaliter , seu primariò intendat pœnam , quam infligit ; quando solum secundariò not. non semper materiam legis etiam gravem , & molestam subditis (cuiusmodi sunt inhabilitates ad contrahendum , ad bona quædam obtinenda , &c.) esse pœnam , ut constat inductione . Ut igitur dicatur pœna , necessarium est , quod supponat commissum delictum , cæteroquin non imponenda .

Not. 2. an , cum gravamen aliquod imponitur in odium delicti commissi , hoc ex principali , & primaria intentione legis imponatur , vel solum secundaria ? planè dubium esse inter Authores . Nam ex hoc plures pendent quæstiones , quæ ab ipsis sub hac distinctione resolvuntur , alijs negantibus , alijs affirmantibus . Et reverè difficile est assignare regulam universalē . Cæterum præ alijs ea videtur regulariter in re opportunior , quæ dicit , quod lex , in quantum imponit gravamen in odium delicti commissi , cæteroquin non impositura tale gravamen ex ejusmodi facto , nisi culpam transgressoribus imputabilem explicaret , sit pœnalis principaliter , & primariò , cæterosque fines legis esse intentos

tentos, dependenter à punitione delicti.
Sed de hoc V. dicenda à n. 1239.

§. II,

An lex hoc ipso sit irritans, quod sit prohibens?

1156.

Questio est, an ex hoc præcisè actus reddatur nullus, ac invalidus, quod fiat contra legem simpliciter prohibentem: de jure saltem Canonico certum videtur, quod non. Nam matrimonium initum cum impedimento solùm impedit, validè celebratur; multa enim prohibentur, quæ tamen facta tenent, c. Unic. de voto, in 6. &c. Ad audientiam, de Regularibus. Alij tamen, & complures ex Juris-consultis, etiam hodie tenent, ut notat Haunoldus tom. I. de Justit. tr. I. n. 117. omnem contractum à jure prohibitum, hoc ipso esse etiam irritum, ac nullum. Sed dicendum, ex hoc præcisè, quod lex aliquem actum fieri prohibeat (nisi exprimat; quod eo ipso velit, etiam irritò, ac nulliter fieri) actum non debere censeri nullum in conscientia. Est communis Theologorum. Ratio est, quia fieri actum illicite, & simul validè, simul stare possunt ex natura rei; & actum præcisè prohiberi, non annulari, componi posse; ergo præcisa ratio illiciti, aut prohibitio non infert legitimè nullitatem, & annihilationem ex natura rei; sed nec inferri juris dispositione, cùm, ut dictum est, multa, licet prohibeantur, facta teneant; & leges in contrarium id, quod intendunt, nullatenus doceant; ergo.

1157.

Hinc not. 1. quando L. non dubium, C. de legib. dicitur: nullum pactum, nullam conventionem, nullum contractum, inter eos valere volumus subsecutum, qui contrahunt lege contrahere prohibente; & additur extensio: quod ad omnes legum interpretationes, tam veteres, quam novellas trahi generaliter imperamus, ut Legislator, quod fieri non vult, tantum prohibuisse sufficiat, cetera quasi expressa ex legis liceat voluntate colligere: non esse sermonem de nullitate actus ipso jure, sed solùm de nullitate per exceptionis oppositionem inducenda à Jure, si expedire visum fuerit; nec etiam de lege præcisè prohibente; sed simul annullante. Ad

hoc probandum, certum videtur, ex hoc præcisè, quod dicatur: nullum pactum subsecutum valere volumus inter eos, qui contrahunt lege contrahere prohibente, non inferri determinatè nullitatem pacti; nam etiam donationes factæ constante matrimonio inter virum, & uxorem prohibitæ sunt, & dicuntur non valere, quin per hoc reverè nullæ, seu non validæ sint; sed tantum non firmæ, ut sint irrevocabiles, dum confirmantur morte donantis; ergo etiam cùm ejusmodi pactis, licet sicut contra legem præcisè prohibentem, & dicantur non valere, ly non valere non est accipendum, ut determinatè inferatur corum nullitas, sed tantum infirmitas, quatenus non sunt inelidibilia per exceptionem legis resistentis.

Deinde ex communi doctrina, qui Tit. 1158, vendit domum inito contractu, ab Emptore solutione pretij perfecto, nondum tamen secutâ traditione, eandem vendit Cajo, & simul tradit, pariter accepto ab hoc pretio, illicitè celebrat secundum contractum, & tamen validè, etiam de jure civili, propterea primo Empatori concedente actionem contra Titium Deinde, ut rectè notat Haunold. tom. I. de jure & just. tr. I. n. 117. sententia conditionaliter lata valet, nisi taliter ferri prohibitum sit, ut habetur L. 11. §. Biduum, ff. quando appell. ergo etiam cùm jure dicitur, pactum non valere, si fiat lege prohibente, ly non valere non infertur legitimè, ex pura prohibitione legis; ergo L. Non dubium, non loquitur de facto contra legem purè, seu præcisè prohibentem; certum autem est multis leges esse purè prohibentes; cùm plurimæ sint, quæ nullum prorsus judicium habent legis nulliantis; ergo.

Not. 2. cùm in c. Imperiali, 25. q. 2. 1159. dicitur: imperiali constitutione aperte fancitum est, ut ea, quæ contra leges sunt, non solùm inutilia, sed etiam pro infectis habenda sint; codem modo ex dictis rationibus intelligenda esse, non de lege præcisè prohibente, sed simul annullante; vel certè solùm de non validitate, in quantum explicat defectum firmitatis, non autem vim nullitatis, ut exposuimus in præmissis. Similiter dicendum venit ad reg. 64. in 6. ubi habetur, quæ contrajus sunt (nimurum nullans, non autem præcisè prohiben-

hibentur) pro infectis habenda esse; quamvis etiam cum Streinio ad cit. reg. 64. recte dicatur ibi ly, contra jus, idem esse, ac contra formam juris.

1160. Not. 3. quando dicitur, quod adversus voluntatem Superioris voluntas inferioris nihil efficere possit, respondendum, id procedere in eo, in quo voluntas Superioris resistit actui; at quando lex est merè prohibens actum, voluntas Superioris non resistit actui quoad valorem, sed tantum quoad honestatem; ergo solum sequitur, quod voluntas inferioris tali casu nihil honeste possit efficere; non autem, quod nihil valide, ut constat ex dictis.

§. III.

An lex irritans obstringat etiam ignorantes?

1161. Questio est, an lex irritans vim suam exercere possit (nimirum inducendo nullitatem in actum, contra quem procedit) etiam in casu, quo lex (*in quantum irritans*) invincibiliter ignoratur? Dixi, si *in quantum irritans ignoretur*. Hic enim non querimus de irritatione, quæ vim suam exercet, ubi solum intervenit ignorantia facti, qualiter in c. *Ex insinuacione*, &c. *C. Nobis, de simonia*, simoniaca collatio beneficij declaratur, non obstante ignorantia Collatarij de commissa per suos amicos simonia; sed de ignorantia *juris*, quæ contingit, ubi quis ignorat jus ad valorem actus exigere aliquid, quo omisso velit actum esse irritum, ac nullum.

1162. Pro resolut. not. ex n. 1152. irritacionem quandoque posse esse penalem, quandoque favorabilem; deinde, à lege, actum irritante, quæ tali præcisè, non semper prohiberi formaliter executionem actus, sic, ut eo ipso, quod detur executioni, inducat culpam. Nam qui gravi metu, injuste ac directe incusso ad extorquendum consensum contrahit matrimonium, aut profitetur Religionem, excusat à culpa imputabili, non à nullitate. Similiter faciens actum, in sui favorem irritatum à lege, non propterea peccat formaliter, in quantum actus opponitur legi quæ præcisè irritanti.

1163. Ut igitur noscatur, quando legi actum irritanti etiam adjuncta sit ejusdem pro-

hibitio, not. 2. attendenda esse tum verba, tum materiam legis. Quandoque enim materia legis adest adversa legi, ut in ipsius odium fiat irritatio actus circatalem materiam, & tali casu censendum est omnino simul adesse præceptum de illa vitanda. Sic turpia legata simul prohibentur in odium legantibus, vel saltem prohibita censentur per L. *Turpia, ff. de legat.* 1. si adsint verba præceptiva, directe ad personam, similiter præceptum adest; si autem neutrum contingat, purè irritans erit; quibus positis:

R. 1. probabilius esse, leges *præcisè in pœnam* irritantes aliquem actum non habere vim inducendi nullitatem stante ignorantia invincibili legis, in quantum inhibentis actum sub pœna nullitatis. Nam sic abest culpa contra legem, in quantum prohibitivam actus sub pœna nullitatis; at ubi abest culpa, non est locus pœnæ tali culpæ per legem decretæ; ergo. Quid autem dicendum, quando ignorantia non versatur circa culpam, seu prohibitionem; sed solum circa pœnam, seu annulacionem actus, constabit infra.

Ex hoc colliges, si irritatio sit ipso jure imposita in pœnam delicti commissi, quaenque via excusat delictum, eadem excusandam irritationem; ita Suarez l. 5. de legibus c. 22. n. 3. quem citat, & sequitur Castropalaus P. 1. tr. 3. D. 2. p. 12. n. 7. rationem dans, quia cessante causa adæquata legis, debet cessare lex; ergo cum causa adæquata sit culpa, & hæc cesset, cessabit irritatio. Quæ ratio recte procedit, ubi irritatio unicè pendet à culpa formaliter commissa, & casus ponit operantem excusari à culpa propter legis ignorantiam.

R. 2. probabilius esse, leges irritantes actum ob commune bonum, non in pœnam, sed in speciale commodum Reipublicæ (quales sunt, quæ *testamentis, electionibus, certisque contractibus*, ut matrimonio, præscribunt formam, intellige substantialem juxta n. 1147.) nullatenus impediri ab effectu irritationis ob ignorantiam etiam invincibilem in operante actum sine tali forma, saltem seclusa necessitate taliter faciendi actum; sic Castropalaus cit. n. 8. Ratio est, quia, cum actus valorem suum habeat dependenter à lege constitutae potestatem juridicam faciendi

faciendi actum (v.g. contractum *validum*) ubi aberit talis lex, aberit etiam valor actus; sed quando leges irritant actum ob commune bonum Reipublicæ independenter à delicto, etiam stante in operante invincibili talis legis ignorantia, abest lex constituens dictam potestatem juridicam; hæc enim pendet à voluntate Legislatoris tribuente valorem actui non obstante oppositione cum lege præcisè prohibente actum; ergo stante in operante etiam invincibili talis legis ignorantia, aberit valor actus, consequenter aderit ejus nullitas; ergo leges irritantes in ejusmodi casu nullatenus impediri possunt ab effectu irritationis ob ignorantiam etiam invincibilem in operante actum sine tali forma, saltem seclusa necessitate taliter faciendi actum. Min. probatur: quia si stante lege irritante cum dicta ignorantia nihilominus valeret actus, lex vellet valere actum, ut ponit casus, & non veller cum valere, quia stat lex irritans, quæ est voluntas efficax, ne valeat actus non servatā formā præscriptā.

^{1167.} Dixi: *seclusa necessitate taliter faciendi actum*, nimirūm prætermissā formā per legem præscriptā, ut si quis gravi necessitate constrictus cogitur matrimonium contrahere, vel testari, quin habeat, vel habere possit ullam notitiam, requiri præsentiam eorum, qui de jure cæteroquin ad valorem actus intervenire debent. Nam et si Castropalaus *cit. n. 8.* doceat, etiam in hoc casu propter dictam ignorantiam non impediri ab irritationis effectu leges irritantes, quæ ob speciale bonum Reipublicæ actum irritant omissa tali forma; contrarium tamen apud cunctem tenent Tiraquel. Alderan. Mascard. & Farinacius, volentes, *necessitate compulso*, non implere formam præscriptam, non vitiare obinde actum; sed firmum esse ex præsumpta voluntate Legislatoris, nolentis eo casu obligare.

^{1168.} Et quamvis Castropalaus *loc. cit.* velit esse discrimen ex eo, quod lex non obliget ad irritationem, sed illam solum imponat; mili tamen semper visum est, recte argui, quod, sicut justè præsumimus, Legislatorem humanum non velle subditis impo-nere obligationem cum gravi detimento, quando id secum trahit observantia legis, in quantum talis nullitas pendet ab ipsius

voluntate; sic etiam justè idem præsumi de præscripta forma, in casu urgentis necessitatis; utrumque enim pendet ab ejus voluntate, ut ponit casus.

Ad extreum nota, irritationem etiam ^{1169.} impediri posse renuntiatione favoris, quando ea non absolutè per legem imponitur actui, sed specialiter in favorem certæ personæ v. g. pupilli, Religionis. Sic enim alienatio, quam facit pupillus etiam sine Tutoris autoritate, valida est, quando ea cedit in speciale illius commodum; quia lex non intendit causare irritationem, nisi in quantum alteri commodum fuerit, ne, quod in favorem constitutum est, in ejus dispendium retorqueatur, ut dicitur reg. 61. in 6. & colligitur ex c. ad Apostolicam, de Regularibus, &c. *Tuis*, de Testibus.

§. IV.

A quo tempore lex irritans incipiat habere effectum?

^{1170.} **Q**uestio procedit, non de effectu *obligationis* (hic enim non semper est à lege irritante, quæ tali formaliter ex n. 1162.) sed *irritationis*. Multi censem, quod statim à puncto suæ constitutionis producat nullitatem in actu, si fiat omissa formā per legem præscriptā. Tum quia in producendo effectu non pendet à sui intimatione subditis facta; cum non inducat obligationem; sed teneat etiam ignorantes; tum quia talis effectus emanat à sola lege, seu Principis voluntate; ita Menochius *de arbitr. l. 2. cent. 2. casu 185. n. 2.* Sylvester V. *lex, q. 6. dict. 3.* & plures alij. Sed rectius universaliter tenetur, nullam legem sive canonicam, sive civilem (nisi expressis verbis caveatur, boni communis necessitate sic exigente) exercere posse vim irritationis, ante lapsum temporis, quo possit obligationem inducere; quia secus non esset sufficienter intimata subditis; imò nec justa, propter gravissima mala, quæ redundarent in Republicam, si prius, quam intonesceret subditis præscripta forma, & in hujus neglectu actuum nullitas, haberet vim annullandi actum.

Hinc negandum est intimationem legis requiri tantum, ut obtineat vim obligandi; prout existimat sententia contraria; sed

sed etiam, ut obtineat vim efficaciter irritandi, revocandi, suspendendi &c. tum quia intimatio fieri debet etiam *ut praescripto legum manifestius intellecto, subditi præscripta faciant*, ut diximus num.

104. ex L. *Leges sacratissimæ*; tum quia prudenter præsumai non potest, esse de mente Legislatoris, contractus ex natura rei licitos prius irritare comparatione eos ignoranter celebrantium, quam id debitè intimatum sit, ut diximus n. 116. tum quia hic locum omnino habet ratio, & argumentum gravium Doctorum, hanc intimationem requirentium non tantum ad hoc, ut vim obtineat legis obligatio, sed etiam facultatum revocatio, contractum, & aliarum dispositionum irritatio, ad cavenda Reipublicæ mala gravissima, de quibus egimus à n. 137.

1172. Ad rationem in contrarium *q. negandō*, quod lex irritans teneat, vel afficiat ignorantes etiam quoad vim inducendi nullitatem in actus eorum, quando ea lex legitimè intimata non est, cum sufficienti latitudine temporis, ut ejus notitia, etiam in quantum irritantis, moraliter diffundi possit per communitatem, cui secūs agenti nullitas imponitur. Ratio est ex n. 104. Negandum pariter est, quod effectus irritationis emanet à sola lege, seu voluntate Principis *ut cunque*, sed solum legitimè intimata; secūs magis obfutura, quam profutura.

1173. Dices: ergo ante talem intimationem nec producet effectum irritationis, licet Princeps expressis verbis caveat, ac declareret, se velle, ut lex hunc effectum statim operetur à die legis constitutæ, vel in sua residentia promulgatae. *q. vel* hanc Principis voluntatem exigit urgens necessitas Reipublicæ, vel non? si primum; C. illatum; quia tunc privati, quorum affectibus, citra poenam, nullitas imponitur, boni communis necessitati posthabendiforent; si secundum, N. illatum propter rationes à n. 1170.

§. V.

An lex irritans actum ipso jure, ut effectum sortiatur, indigeat sententia?

1174. **T**ripliciter se habere potest ad actum aliquem lex illum irritans. 1. si a-

Tom. I.

ctum jam ritè factum (*venditionem* v. g. vel *donationem*) subsequatur, ac annullet ob defectum alicujus conditionis non substantialis, sed accidentalis; 2. si actum vel comitetur, vel antecedat, quod fit, si ob solam legis prohibitionem, &c. in odium transgredientis, irritatio auctui imponatur, vel quoad se; vel solum quoad probationem, seu fidem faciendam; demū 3. si actum annullet præcisè propter non servatam formam, etiam inpeccanter, seu circa culpam; quibus positis:

Resp. 1. quod lex irritans, quæ subsecuitur, & rescindendō, seu annullandō in poenam irritat actum, aut dispositionem aliquam cæteroquin validam, non producit effectum irritationis ante sententiam, saltē declaratoriam delicti, cujus causâ irritationis poena infligitur; ita Sanchez l. 3.

matr. D. 4. n. 9. & alij. Nam hoc requiritur, ut lex poenalis effectum suum operetur, ut dicemus n. 1243. sed talis irritationis est poenalis ex n. 1152. ergo. Loquimur autem de casu, quo actus semel validus jure invalidari potest.

Resp. 2. idem dicendum esse in casu 1176. legis irritantis, sive antecedat, sive comitetur actum, quoties irritatio supponit culpam, & infligitur in odium transgredientis. Nam in tali casu eodem modo poenalis est. Et constat ex c. *Si Religiosus, 27. de elect. in 6.* ubi præcipitur, ut, si Religiosus non obtentâ licentia sui Superioris consentit electioni de se factæ extra suum monasterium, *consensus sic præstitus non teneat, & in pœnam præsumptionis illius electio eadem, ipso facto, viribus vacuetur omnino;* id quod etiam habetur in c. *Novit. 4. de his, quæ fiunt à Prælato*, ubi Alexander III. Patriarchæ Hierosolymitano scribens decernit, institutiones, & destitutiones Abbatum, & Abbatissarum, aliarumque personarum Ecclesiasticarum ab ipso factas *sine consilio Fratrum suorum, Canonicorum S. Sepulchri, carere rebore firmitatis.*

Resp. 3. quando lex irritat actum aliquem ipso jure (v. g. *testamentum sine debita juris solennitate conditum*) non censiari actum invalidum, vel in invalidari quoad naturalem obligationem, ante Judicis sententiam; sed tantum quoad probacionem externam, & fidem faciendam; adeoque solum quoad forum externum;

L1

ita

ita Suarez l. 5. de legib. c. 32. à n. 6. & Molina tom. 1. de just. D. 81. qui docent, hæredem co testamento scriptum, posse retinere hæreditatem. Nam licet lex irritans ejusmodi dispositionem minus solennem invalidet ipsum, quoad civilem obligationem; secùs tamen est quoad naturalem, cùm jure naturæ talis solennitas ad ejus valorem non exigatur, si voluntas ultima disponentis sit sufficienter expressa.

1178. Si autem alius foret hæres ab intestato, & is ab hærede tali testamento scripto exigeret hæreditatem, Judice illius petitione eandem applicante per sententiam, jus illud retinendi omnino extingueretur in hærede scripto. Judex enim humanus, exigente bono communi, propter legis id volentis efficaciam, potest uni adimere dominium rei, ac in alium transferre, ut patet in præscriptione; nam justa lege constitutum est, ut hæreditas deferatur ei, qui est defuncti hæres; ubi defunctus de rebus suis nihil validè disposuit.

1179. Dixi superius, nos loqui de casu, quo actus invalidari potest, non obstante, quod in principio validus sit. Si enim actus, semel validus, non amplius invalidari potest, lex actum irritans, etiam in pœnam commissi delicti, statim operabitur nullitatem, non exspectata ullâ sententiâ. Secùs enim nunquam producere posset effectum suum. Nam, postquam semel validè celebratus est, nec ante, nec post sententiam irritari potest; quia semel validus invalidari amplius non valet, ut ponit casus; ergo.

1180. Dices: ergo quoties actus semel validus, invalidari rursus potest, statim invalidus erit, etiam non exspectata sententiâ, quoties imponitur ei irritatio ipso jure, si omittatur aliqua solennitas, vel conditio à lege sub irritatione actus requirita, saltem si non sit in pœnam, ut contingit, ubi testamentum conditur minus solenne; hoc enim infirmatur c. Cum es- ses, de Testam. & L. Hac consultissima, C. qui testam. facere poss. vel res Ecclesiæ alienantur non servata solennitate præscripta, vel electio celebretur sine consensu Capituli, &c.

1181. Ante resolut. not. à nonnullis doceri, neque tunc actum reddi naturaliter, sed tantum civiliter nullum ante sententiam, quando nihil continet, aut deficit, quo mi-

nus jure naturali, vel gentium cætero-quin valeret. Hanc sententiam tenent Navarrus, Antoninus, Panormitanus, Covarruvias, Medina, & alij apud Castropalaum P. 1. tr. 3. D. 2. p. 10. n. 4. volentes, quod lex irritans actum (v. g. testamen- tum, vel electionem) ob non servatam so- lennitatem, ante sententiam non operetur nullitatem *naturaliter*, seu in conscientia, & quoad forum internum, nisi con- tineat aliquid adversum iustitiæ naturali. Contrarium docet Suarez, Salas, & alij apud eundem n. 5. quam etiam amplecti- tur ipse Castropalaus n. 7. licet alij distin- guant, & idem teneant, quando irritan- tur actus facti virtute publicæ potestatis, cujusmodi sunt electio Prælati, vel alienatio rerum Ecclesiæ; non privatæ, quales sunt hæredis institutio, venditio, vel alienatio rei proprieæ, &c.

Ratio Castropalai est, quia non vide-
tur dubium, Principem efficaciter, me-
diante sua lege, posse subditos inhabili-
tare ad faciendos certos actus, v. g. ad al-
ienandam rem etiam propriam, vel ad con-
trahendum &c. alia formâ, quam ipse
præscribat; ergo si hanc intentionem suf-
ficienter manifestet, etiamsi actus non
contineat aliquid iustitiæ naturali contrari-
um, lex irritans ejusmodi actus ipso jure
adhuc operabitur effectum nullitatis etiam
naturaliter, & in conscientia, non requi-
sita altiori sententia. Sed hoc habent le-
ges irritantes ejusmodi actus, de quibus n.
1180. ergo.

In hoc argumento totum enthymema
videtur omnino concedendum; sed ipse
Author rectè animadvertisit, verba legis es-
se rigorosè pensanda, priusquam statuat
ur de tali mente, ac intentione Legisla-
toris. Nam 1. si verba ostendant, quod
fiat irritatio talis actus in favorem alicujus
partis, vel privati, etiam juxta ipsum lex
irritans non inducit ipso facto nullitatem,
nisi ex suppositione, quod ipse velit, ut no-
tavimus n. 1177. 2. Si verba cum omni-
bus circumstantijs ritè pensata ostendant,
irritationem fieri solum ad confirmandam
probationem, aut faciendam fidem (ne
scilicet vim legitimæ probationis obtine-
at) non inducit nullitatem naturalem, sed
tantum civilem, & pro externo foro, ut
dictum est n. cit. Si autem irritatio fiat in
favorem utriusque partis v. g. contrahen-
tis,

tis, certum censet Castropalaus, induci nullitatem, seu irritationem, nullâ exspectatâ sententiâ.

Hæc doctrina videtur omnino procedere quoad forum externum, & obligacionem civilem, sic, ut contractus contra talam legem irritantem celebratus nullam pariat actionem, justè id exigente bono communi, ut caveantur tot lites; in foro tamen conscientiae, & quoad obligacionem naturalem probabilior videtur opinio prima, de qua n. 1181. Nam cum verba legis irritantis recte exponi, ac intelligi possint quoad solam nullitatem civilem, ubi actus non laborat ullo vitio iustitiae naturali contrario, bono communi directe querendo à Legislatore satisfit, esto ante sententiam stet *naturalis* valor actui, solum civiliter irrito.

§. VI.

Quæ verba legis arguant ipsam esse irritantem?

Ubi expressis verbis lex indicat, se actum irritare *ipso facto* (ut si dicat, *irritus sit ipso facto, ipso jure, eo ipso, ex tunc*) non est dubium, legem esse irritantem. Plura tamen sunt verba, de quibus dubitatur, an, cum inserta sunt legi, vel alteri dispositioni, significant nullitatem *ipso facto*? Hinc quæstio est. an, si de aliquo actu dicatur, *nullius sit efficacia, valoris, vel momenti*, significet actum ipso jure nullum? de his agit Barbosa in *dictiōnibus usū frequentat.* dict. 226. & seq. ubi ex pluribus alijs refert, quod dictiones: *nullatenus, nullius sit roboris, & efficacie, nullius sit momenti*, importent vim latæ sententiae, & nullitatem actus ipso jure.

Sed rectius distinguitur cum Castropalao cit. p. 17. n. 2. Farinacio p. 2. fragment. an. 100. & alijs. Nam vel nullitas, quam important ea verba, præcedit actum? vel subsequitur illum, & solum propter omissionem postea factam irritatur? In primo casu volunt procedere opinionem Barbosæ; non in secundo. Exemplum dant in casu, quo alicui de beneficio proviso simul imponitur residentia; *alias gratia sit nullius momenti.* In tali enim casu provisio non est ipso jure nulla etiam omisssâ residentia; sed tantum annullanda.

Tom. I.

Posset fortassis etiam res explicari juxta dicta lib. 4. in Tit. de conditionibus appositis, ubi diximus, irritam esse dispositionem conditionalem sub conditione non subsistente; irritandam autem duntaxat modalem, si modus dispositioni adjectus non impletatur. Hinc si irritatio per ea verba imponatur actui in contrarium gesto, propter conditionem non impletam, omnino irritus erit ipso jure; si autem solum propter non impletum modum, seu gravamen impositum, esse duntaxat irritandum.

Quæstio altera est, quid dicendum, si lex irritans actum in contrarium gestum dicat: *caret omni robore, omni jure, firmitatem non habeat?* Barbosa cit. *dictione* 53. docet, quod importet *latam sententiam*, & *ipso jure*, non autem ferendam, juxta gloss. in L. *providendum*, C. *de postul. V. foro*; & in L. 1. ff. *ad leg. Julianam, de vi publica*; id, quod etiam tenet Tiraquel. in L. *Si unquam, C. de revocand. donat. V. revertatur*, n. 161. Sayrus, Cardin. Tuschus, & alij ibid.

In hac quæstione (id, quod in omni verborum legis ambiguitate observandum est) considerandum est, an verba directe cadant super actum faciendum, aut super rem, qua quis privari debet? si actus aliter fiat, quam lex velit. Si primum; satis probabile est, non significari nullitatem ipso jure, sed solum, actum esse irritandum. Nam hoc ipso, quod irritabilis est, non habet omnem firmitatem, sed solum aliquam, auferibilem tamen; ergo ly *careat omni valore, omni jure, omni firmitate*, in materia odiosa plus non importat, quam ei tollere firmitatem, non rescindibilem. Probabile tamen etiam est oppositum. Nam si significaret solum firmitatis inauferibilis parentiam, cum eo, quod careret omni firmitate, staret aliqua firmitas, sed irritabilis. Carere autem *omni firmitate, & habere aliquam firmitatem* non consistunt; nisi negativa universalis loquatur solum de firmitate non irritabili; & affirmativa, de irritabili; quæ distinctione saltem in odiosis & pœnalibus bene usurpatur pro præsenti casu, nisi ex subiecta materia aliud colligatur.


Si autem irritatio sub prædictis verbis cadat in rem ipsam, qua quis propter actum, in contrarium gestum, privandus

L 2 est,

est, ut si dicat, *carea omni commodō, privetur omnijure, omne jus amittat, &c.* cùm hæc verba referri possint æquè ad Judicem, ac ipsum Reum, censem Castropalaus *cit. n. 3.* ea esse accipienda in sensu mitiore (cùm in re odiosa, vel pœnali sumus) pro irritatione per sententiam, non ipso facto.

1191. Quæstio est, an verba legis irritantis, quæ resistunt potentiaæ actus, significant nullitatem ipso jure? ut cùm dicit: *non posset taliter facere, donare, eligere, confirmare, &c.* Certum videtur, quod, si potestas juridica tollitur ad talem actum, eum, si fiat in contrarium potentiaæ solùm physicæ, invalidè fieri ipso jure, nimurum ex defectu legitimæ potestatis. Certum quoque est, quod sàpè dicamur, *non posse facere*, quod facere non possumus *de jure*, seu *licitè*; quo casu actus, esto dicatur, *sieri non posse*, nimurum *licitè*; tamen sit *validè*, & de jure, tribuente illi valorem, ut constat *ex n. 1156.* & pluribus ostensum est *I. 4. in tit. de condit. apposit.*

1192. Tota igitur quæstio resolvitur in id, ut declaretur, quando ea verba, in lege posita, ex mente Legislatoris censi debent ablativa legitimæ potestatis, qua seclusa ipso facto actus in contrarium gestus irritus sit, & nullus? Et quamvis communiter dicatur, ut videri potest apud Barbos. *cit. dictione 268. n. 3.* quod verbum *possum*, negativè prolatum (*non posset* v. g. vel *non potest*) importet necessitatem, & actum contra gestum omnino reddat nullum, privetque omni potentia (quæ scilicet à jurisdictione Legislatoris dependens est) quia tamen, ut rectè notatur in pluribus Rotæ decisionibus, *ibid. n. 3.* relatis, ratione materiaæ subjectæ quandoque importat necessitatem, & nullitatem; quandoque solùm *non aliter faciendi* obligacionem, seu solam prohibitionem, imò & impotentiam solius indecentiæ, ut notavimus alibi: ideo ex subjecta materia, & circumstantijs, prudenti arbitrio, in dubijs, quæstio resolvenda erit, attenta in similibus juris dispositione, ut notat Barbo *cit. n. 8. ex Seraphin. de privil. juramenti, privileg. 73. n. 72.* dicente, quod interdum inducat *solam prohibitio-* *nem, & clausulam prohibi-* *tivam.*



ARTICULUS II.

De lege pœnali.

Pœna est id, quod pro culpa infertur; 1193. seu quo quis ob delictum afficitur. Est enim, quæ punit, & vindicat, quod quisque commisit, c. *Pœnitentia, dist. 3. de pœnit.* definitur, *delictorum debita coercitio, vel satisfactio, quæ à lege, vel ministris legis, vel legis ministeriò imponitur.* Differt à *Suppicio*, quod hoc aliquando sine culpa inferatur, ut cùm torqueatur brutum, vel homo justus; *pœna* vero nunquam inferatur sine culpa, quamvis inferatur *sine culpa puniti*, licet non sine causa, ut notat Salas *D. 10. de legib. scđ. 5. n. 26.* quia scilicet propter culpam alterius. Unde *sine culpa, nisi subsit causa, non est aliquis puniendus.*

Pœna generaliter accepta juxta Molinam *tom. 2. de Just. D. 317.* dividitur in *legalem, judicialem, & conventionalem.* Legalis est, quæ lege, aut statuto imponitur, ut si lege cautum sit, ne quis noctu incedat armatus, sub pœna ducentorum aureorum. Judicialis dicitur, quam *Judex* imponit, si intra certum tempus aliquid non fiat, aut non solvatur. Conventionalis est, quæ pacto, conventione de partium consensu ponitur, si quis contractui non stet, aut intra certum tempus non solvat. Ex pœnis istis aliae sunt *positive, aliæ privative;* istæ, quæ nullam, illæ, quæ aliquam actionem requirunt; *privative* consistunt in privatione, cuiusmodi sunt *censurae, irregularitates, inhabilitates, & irritationes actuum: positive* in actione, quam exigunt ad sui executionem, vel faciendam ab ipso delinquente, vel alio tertio, ut *carceratio, exilium, solutio pecuniae, mutilatio, vita privatio, &c.* Quædam vero tales sunt, quæ statim ad positionem delicti consequuntur, & dicuntur *latentesentiae*, incurruuntque ipso jure, seu facto, id est, hoc ipso, quod factum, vel opus, aut culpa commissa sit, propter quam imponuntur: aliae vero sunt *ferende*, quæ, non obstante delicto jam commisso, non incurruunt prius, quam ferantur, seu decernantur à *Judice.* Ex pœnis privativis aliae sunt, quæ impediunt dominij translationem, seu jus acquirendum; aliae, quæ privant jure acquisito,